



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

De Ecclesia, Qvæ Est in Pvrgatorio

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XI. Idem asseritur ratione.

[urn:nbn:de:hbz:466:1-53890](https://nbn-resolving.de/urn:nbn:de:hbz:466:1-53890)

quam durum sit homini dissoluto apprehendere disciplinam,
verboso silentium pati, sagari solito stabilem permanere, sed
durius, & multo durius erit futuras illas molestias tolerare.

LACTANTIVS lib.7. cap.21. Quorum peccata pondere
aut numero praevaluerint, perstringentur igne atque ambu-
rentur, &c.

HILARIYS in Psal.118. in illud; Concupiuit anima desi-
derare iudicia iustitiae tuæ: Nobis, inquit, est ille indefessus i-
gnis obeundus, in quo subeunda sunt grauita illa expianda a
peccatis anima supplicia.

CAPVT XI.

Idem asseritur ratione.

REGIMENTVM QVARTVM ex rationib^o. PRIMARATIO; Quædam peccata sunt venialia, solaque
temporali pœna digna. At fieri potest, ut cum lo-
lis talibus homo decedat ex hac vita, igitur necel-
se est in alia vita posse purgari.

Esse autem quædam peccata venialia probatur ex Iacobo, qui sic ait Iacobi 1. *Vnusquisq_z tentatur a concupiscentia sua; concupiscentia, cum conceperit, parit peccatum; peccatum, cum consummatum fuerit, generat mortem.* Hic describitur peccatum veniale ex imperfectione actus. Neque locum hic habet distinctio hæreticorum de imputatione; nam Iacobus explicat processum peccati secundum se, ac docet, post ten-
tationem concupiscentiæ, quæ sine peccato esse potest, con-
tinuò sequi peccatum, si quis non caueat; nam ex concupi-
scentia oritur delectatio in parte inferiori, quæ nonnullum
peccatum est, non tamen mortiferum, si non adsit consensus
mentis deliberatus; ideo enim subiungit: *Peccatum vero si
consummatum fuerit, accidente nimirum pleno consensu,
generat mortem.*

Præterea 1. Cor. 3. *Qui superadificat ligna, fœnum, stipulas,
saluus erit quasi per ignem.* Hic describitur veniale ex levita-
te materiæ, & quomodounque intelligamus verba Apostoli
sive de hac vita, sive de alia, sive de doctrina, sive de omnibus
operibus, necessariò cogimur exponere per ligna, fœnum,
stipulas, peccata venialia, quandoquidem qui ista habet, sal-
uatur

uatur quasi per ignem. A V G U S T I N U S lib. 83. quæst. 26. *Alia,*
inquit, *sunt peccata infirmitatis, alia imperitiae, alia mali-*
tiae; infirmitas contraria est virtuti, imperitia sapientiae, ma-
litia bonitatis; quisquis igitur non sit virtus, & sapien-
tia Dei, potest existimare quæ sint venialia peccata; & quis-
quis non sit quid sit bonitas Dei, potest existimare quibus pec-
catis certa pena debeatur, & hic, & in futuro seculo, quibus
benè tractatis, probabiliter iudicari potest, qui non sint co-
gendi ad penitentiam luctuosam & lamentabilem, quamvis
peccata fateantur; & quibus nulla omnino speranda sit salus,
nisi sacrificium obtulerint Deo, spiritum contribulatum per
penitentiam.

Probatur VLTIMO ratione; nam intelligibile non est,
quomodo verbum ociosum ex natura sua dignum sit perpe-
tuo odio Dei, & sempiternis flammis; h̄c enim in terris stul-
tissimus haberetur, qui ob leuissimam offensionem amici,
nec malo animo factam, nollet amplius esse amicus, immo
vsque ad mortem persequeretur eum: quem amicum paulo
antea habuerat; maneat igitur, quædam esse peccata venia-
lia, ac sola pœna temporaria digna. Quod autem cum eius-
modi peccatis aliqui interdum de hac vita migrant, ac pro-
inde in alia vita purgatione temporali egeant, probatur hoc
modo. Potest quis, dum moritur, habere voluntatem perma-
nendi in peccato veniali, igitur tale peccatum deleri in mor-
tenon potest; præterea cùm septies in die cadat iustus, ut dici-
tur Proverb. 24. & multi moriantur repente, quomodo credi-
bile est non mori aliquos cum peccato veniali? Hæc est igitur
prima ratio.

SECUNDA ratio; Cùm reconciliantur Deo peccatores,
non dimittitur semper cum peccato tota pœna temporalis: at
potest fieri, & s̄p̄f̄r̄, vt in tota vita aliquis non satisfecerit
plenē pro temporali illa pœna; ergo necessariò statui debet
Purgatorium. probatur maior propositio breuiter; nam alibi
ex professo probabitur, 2. Reg. 12. cùm Dauid dixisset: Peccavi
Domino, ait Prophetæ: Deus quoque transtulit à te iniquita-
tem, sed quia blasphemare fecisti inimicos nomen Domini, fi-
lius qui natus est tibi morte morietur. Num. 12. Cùm Maria
murmurasset contra Dominum, punita est morbo lepræ: o-
rante autem pro ea Mose, dimissa est ei culpa, & tamen pœ-
nam voluit Deus vt illa lucret per vnam hebdomadam.

Ad hæc & similia respondet Caluinus lib.3. Institut. cap.4. §.31. duo esse genera flagellorum Dei; quædam enim sunt propriæ pœnæ, & infliguntur à Deo vt iudice in vindictam peccatorum præteriorum, vt iustitiæ satis fiat; quædam autem sunt castigationes, quæ infliguntur à Deo vt patre, non in vindictam peccatorum præteriorum, sed ad futurorum remedium, nimis ut homo admoneatur flagello, ne iterum facilis sit ad peccandum. Primum genus, inquit Caluinus, ad solos inimicos pertinere, secundum ad solos amicos; & proinde cùm non sint istæ pœnæ ex iustitia luendæ, non esse opus ut maneat earum debitum post mortem, quando non est periculum recidendi in peccatum.

A T frustrè laborat Caluinus; nam etsi fatendum est, flagella iustorum esse etiam paternas castigationes, & remedia contra peccata futura, tamen simul est agnoscenda vera pœna & satisfactio debita culpæ præteritæ ex iustitia, quod sic probatur; nam in primis 2.Reg.12. exprimitur causa cur puniretur Dauid, & non dicitur ne iterum pecces, sed: Qui blasphemare fecisti nomen Domini.

Deinde mors est vera pœna peccati originalis, & eam lunt homines iusti, non vt abstineant à peccato, sed vt satisfiant iustitiæ diuinæ: quod patet, quia non est inficta à Deo post peccatum, vt sunt castigationes paternæ, sed est lege statuta ante peccatum tanquam pœna peccati, & eadem perseverat post peccatum & peccati remissionem, vt patet Gen.2. Quacunque die comederis, morte morieris. Et Rom.5. Per unum hominem peccatum in hunc mundum intravit, & per peccatum mors, in quo omnes peccaverunt. Et Rom.6. Siquidem peccati mors. Et Caluinus ipse lib.2. Institut. cap.1. §.8. apertè confitetur, mortem veram esse peccati pœnam; denique quomodo potest esse mors flagellum paternum ad peccatum cauendum institutum? Qui enim moritur, non potest amplius emendari.

Præter mortem istam communem, quæ est pœna peccati originalis, habemus alia exempla in Scriptura eorum, qui puniti sunt morte violæta, cùm eis remissum esset peccatum, cùm tamen mors non possit esse paterna castigatio in remedium peccati futuri; nam Exod.32. Deus pepercera populo orante Mose, & tamen Moses in vindictam peccati iussit occidi

cidi multa millia de populo sine villo delectu. & similiter Numer. 14. Cùm populus murmurasset, & Deus placatus à Mo- se fuisset, plurimi tamen in deserto perierunt. Incredibile est autem ex tot millibus nullum fuisse quem delicti pœnituerit. 3. Regum 13. Propheta Domini quia inobediens fuit vo- ci Domini, à leone extinguitur, iuxta quod ei ab altero Pro- pheta prædictum fuerat, & tamen ut intelligeremus ei cul- pam antea remissam fuisse, & sanctè illum obiisse, neque eius cadauer, neque iumentum, quo vectus fuerat, leo tetigit, sed vtrumque potius custodiuuit, donec venerunt, qui eum sepe- liren̄t; denique 1. Corinth. 11. dicitur: *Ideo inter vos multi im- becilles, & dormiunt multi, vbi, vt exponunt Ambrosius & alij, Apostolus indicat in primitiua Ecclesia multos eorum qui indignè communicabant, morte à Deo punitos fuisse, quibus tamen culpam antea remissam patet ex eo quod Apo- stolus subiungit: A Domino corripimur, nec cum hoc mundo damnemur.*

His accedant duo clarissima B. AVGVSTINI testimonia. Primum est tractat. 124. in Ioan. *Cogitur homo tolerare etiam remissis peccatis, quamvis sit in eam veniret misericordiam pri- mum fuerit causa peccatum; productior est enim pena quam culpa, ne parua putaretur culpa si cum illa finiretur & pena: ac per hoc vel ad demonstrationē debitā miseria, vel ad emen- dationem labilis vita, vel ad exercitationem necessaria pa- tientia, temporaliter hominem detinet pena etiam quem iam ad damnationem sempiternam reum non detinet culpa. Se- cundum est in Psal. 50. Veritatem, inquit, dilexisti, hoc est, im- punita peccata eorum etiam quibus ignoscis non dimisisti, sic prarogasti misericordiam & seruares & Veritatem, ignoscis confitenti, ignoscis, sed seipsum punienti, sic seruatur miseri- cordia, & Veritas.*

Probatur iam assumptio huius argumenti; nam multi qui plurima peccata commiserunt, in articulo mortis conuer- tuntur, quando nullam possunt agere pœnitentiam; ex quo certè illud sequitur, vt post hanc vitam satisfacere debeant. Respondent in mortedeleri omnia. CONTRA; nam mors est pœna peccati originalis, & ideo communis omnibus etiam infantibus, ergo pro actualibus debet inueniri alia pœna. Præterea Deus iniustè ageret, nec videretur habere prouiden- tiā

tiam rerum nostrarum, si vna & eadem pœna, id est, naturali morte puniret peccata magna, & parua, multa & pauca.

TERTIA ratio sumitur a communi opinione omnium Gentium: id enim confitentur Hebræi, Mahumetani, Gentiles, iisque tam Philosophi, quam Poëtæ. De H E B R A E I s patet ex lib. 2. Machabæorum, cap. 12. nam saltem fides adhibenda est ei libro quæ adhibetur Liuius; præterea Iosephus filius Gorionis in libro de bello Iudaico, cap. 91. indicat Iudæos consueuisse orare pro mortuis, non tamen pro illis qui se interimunt.

De M A H U M E T A N I S patet de Alcorano, ubi Purgatorium diserte confitentur. De E T H N I C I S patet ex Platone in Gorgia, & in Phædone; ex Cicerone in somnio Scipionis in fine; & Virgil. 6. Æneid. Ergo exercentur pœnis, veterumque malorum supplicia expendunt. & ex Claudiano lib. 2. in Ruffinum circa finem:

*Quos sibi per varios amnes, per mille figuras
Egit Lethæo purgatos flumine, &c.*

Neque dicat aliquis hoc potius argumentum esse erroris, & fabularum, quandoquidem id sentiunt Ethnici & Mahumetani; nam illa in quibus omnes ferè nationes conueniunt, vix possunt aliunde prouenire, quam à naturali lumine omnibus hominib^o communi. quæ enim sunt excogitata & conficta ab hominibus, varia sunt, & diuersa pro Gentium varietate. sicut ergo Deum esse, in quo omnes nationes conueniunt, dicimus verissimum esse, nec tamen recipimus in particuli Deos varios & multiplices, quos sibi quælibet natio fabricauit; & sicut post hanc vitam esse pœnas, & præmia, in quo etiam conueniunt omnes, recipimus ut verum, nec tamen recipimus varias fabulas, quibus hoc explicant (nam esse pœnas, & præmia post hanc vitam docuit omnes homines cognitio diuinæ prouidentiæ, fabulas autē ex se finixerunt) ita etiam Purgatorijs confessionem, in qua omnes ferè Gentes conueniunt, oportet dicere esse confessionem luminis naturalis; eiusdem enim prouidentiæ diuinæ cognitio docuit Purgatorium, quæ docuit infernum, & paradisum, saltem generali & confuso quodam modo, quia nimis videmus pœnas, & præmia ita distribui in hac vita, ut plura bona habeant mali,

mali, & plura mala boni ut plurimum; inde indicamus diuinam prouidentiam in aliam vitam distulisse iudicium, & veram distributionem præmiorum, & pœnarum.

Rursum videmus ex iis, qui migrant ex hac vita, alios esse valde bonos, alios valde malos, alios mediocriter bonos, & mediocriter malos; quocirca iudicamus naturali lumine esse post hanc vitam pœnas eternas pro valde malis, præmia eterna pro valde bonis, ac pœnas temporarias, & per eas transiitum ad præmia pro iis qui sunt mediocriter mali, vel boni. hanc rationem sequutus est Plato, & alij, qui solo lumine naturali prædicti Purgatorium esse confessi sunt.

Q V A R T A ratio sumitur ab apparitionibus animarum, quæ se in Purgatorio esse renunciauerunt, atque opem à viuis implorauerunt, quas apparitiones cum viri grauissimi retulerint, non immerito veras fuisse credimus, rideant licet Lutherus, & Magdeburgenses. S. GREGORIVS lib.4. Dialog. cap.40. scribit de anima Paschasi, quæ in Thermis Puteolanis apparuit S. Germano Episcopo, & eius precibus liberata est. & cap.55. scribit aliud simile exemplum; & præterea de quodam Monacho suo, pro quo triginta Missas ipse met Gregorius dici iussit, & ex eius apparitione didicit liberatum.

Gregorius TURONICVS libro de gloria Confess. cap.5. scribit, B. Martino S. virginem quandam nomine Vitalinam iam defunctam significasse se adhuc in Purgatorio degere ob leue quoddam peccatum, ac paulò post precibus eiusdem S. Martini liberatam.

Petrus DAMIANI in epist. ad Desiderium scribit, B. Severinum Colonensem Episcopum apparuisse cuidam Presbytero eiusdem Ecclesie, eique significasse se in Purgatorio grauiter torqueri, quod horas canonicas non distinctis temporibus persoluisset, sed mane omnes horas simul coacceruasset, ut tota die negotiis Imperialibus liberiū vacare posset.

BEDA lib.3. historiæ Anglorum, cap.19. scribit, B. Fursemum à mortuis resurgentem narrasse multa quæ vidit de purgatoriis pœnis, & lib.5. cap.13. refert mirabilem visionem cuiusdam Diethelmi, qui similiter mortuus, & postea reuiuisens mira narravit de inferno, purgatorio, & paradiſo, &

vita eius sequens, ac fructus spiritualis, quem in aliis multis operatus est, testabatur veram fuisse visionem.

S. BERNARDVS in vita B. Malachiæ refert, B. Malachiæ sororem eius defunctam non semel apparuisse cùm adhuc in purgatoriis pœnis degeret, & tandem, frequenti Eucharistiæ ad Deum oblatione liberatam. Et lib. i. vitæ B. Bernardi, capit. 10. refert Gulielmus Abbas, qui vitam S. Bernardi scripsit, ipso adhuc viuente, apparuisse aliquando B. Bernardo vnum ex defunctis Monachis, in Purgatorio laborantem, & precibus, ac sacrificiis viri sancti paulò post liberatum. quod exemplum ipsum B. Bernardum narrare solitum scribit auctor eius vitæ.

Lib. i. vitæ B. Anselmi similiter legimus, B. Anselmum annum integrum institisse sacrificiis quotidianis, & tandem apparente sibi amico defuncto, pro quo tamdiu orauerat, didicisse eum de Purgatorio liberatum. plura similia legi possunt apud Vincentium lib. 23. speculi historialis, in relationibus S. Brigittæ, & in vita Christinæ mirabilis: sed quæ attulimus sunt magis authentica.

Respondent Magdeburgenses, esse fabulas. At nec est credibile, tam sanctos viros decipere voluisse, neque etiam ipsos deceptos fuisse, cùm haberent spiritum discretionis, & essent amici Dei.

VLTIMA ratio esse potest, quia ista opinio, quæ tollit Purgatorium, non solum est falsa, sed etiam perniciosa: siquidem homines socordes facit in peccatis cauendis, & bonis operibus faciendis. Qui enim cogitat nullum esse Purgatorium, sed omnia peccata per mortem aboleri in iis qui moriuntur cum fide, facile dicit apud se; Quorsum ego labore in ieiuniis, precibus, continentia, eleemosynis? Cur fraudo cor meum deliciis & voluptatibus? quandoquidem in morte siue pauca, siue multa peccata habuero, omnia delebuntur. At qui cogitat remanere præter Gehennam, ignem acerrimum Purgatorij, & quidquid h̄ic deletum non fuerit per debita pœnitentiæ opera ibi diluendum,

certè diligentior, cautior-
que euadit.

CAPVT